

**Javna ustanova Opća bolnica
„Prim. dr Abdulah Nakaš“
Broj: 3251-3/20
Sarajevo, 07.04.2020. godine**

Na osnovu člana 14. stav (2) tačka b), člana 18. stav (1) Zakona o javnim nabavkama Bosne i Hercegovine («Službeni glasnik BiH» broj 39/14) - u daljem tekstu: ZJN, direktor Javne ustanove Opća bolnica “Prim. dr Abdulah Nakaš” donosi

**O D L U K U
o pokretanju postupka javne nabavke**

Član 1.

Javna ustanova Opća bolnica “Prim. dr Abdulah Nakaš” u skladu sa ukazanom i planiranom potrebom, pokreće pregovarački postupak bez objave obavještenja za nabavku usluga: Premještanje korištenog CT aparata iz prostorija Odjeljenja za radiologiju u prostorije novog Izolatorija za COVID-19 (JRJN: 98300000-6)
Nabavka iz stava 1. obaviti će se pod rednim brojem JN-50/20.

Član 2.

Zakonski osnov za provođenje postupka javne nabavke predstavlja član 21. stav (1) tačka d) ZJN.

Član 3.

Predmet javne nabavke, određen Posebnom odlukom direktora Bolnice broj 3251-2/20 od 07.04.2020. godine

Član 4.

Procijenjena vrijednost javne nabavke iznosi do 16.820,00 KM bez uključenog PDV-a, bez uračunatog PDV-a.

Član 5.

Podaci o izvoru – načinu finansiranja: Sredstva za nabavku usluga su osigurana od Zavoda zdravstvenog osiguranja Kantona Sarajevo, a u skladu sa Finansijskim planom ZZO KS za 2020.godinu.

AK
KC

Član 6.

Vrsta postupka javne nabavke: Nabavka usluga iz člana 1. izvršit će se shodno odredbama Zakona o javnim nabavkama BiH putem pregovaračkog postupka bez objave obavještenja o nabavci.

Nije predviđeno zaključivanje okvirnog sporazuma.

Član 7.

Rok za provođenje postupka javne nabavke je do okončanja postupka nabavke predmetnih roba.

Ostali uslovi javne nabavke su određeni tenderskom dokumentacijom.

Član 8.

Ova Odluka stupa na snagu danom donošenja.

O b r a z l o ž e n j e

Šef Odsjeka za javne nabavke Amira Petrović, BA općeg prava obratila se putem protokola ove ustanove Zahtjevom za provođenje postupka javne nabavke nabavke usluga broj 3251/20 od 02.04.2020. godine (na koji je direktor dao saglasnost dana 02.04.2020 godine), za donošenje Odluke o provođenju pregovaračkog postupaka bez objave obavještenja za nabavku usluga: Premještanje korištenog CT aparata iz prostorija Odjeljenja za radiologiju u prostorije novog Izolatorija za COVID-19

Povodom aktuelnih dešavanja u Bosni i Hercegovini u vezi sa koronavirusom (COVID-19) i službenim proglašenjem pandemije od strane Svjetske zdravstvene organizacije od 11.03.2020. godine, te Odluke o proglašenju stanja prirodne ili druge nesreće na teritoriji Bosne i Hercegovine od strane Vijeća ministara BiH od 17.03.2020. godine, Odluke o proglašenju stanja nesreće zbog koronavirusa na području Federacije BiH od strane Vlade Federacije BiH od 16.03.2020. godine i Odluke o proglašenju vanredne situacije u Republici Srpskoj od strane Vlade Republike Srpske od 16.03.2020. godine, kao i okolnosti koje iz toga proizilaze kao što su ograničenje kretanja, izbjegavanje većih javnih okupljanja, zatvaranje granica BiH i slično, te specifične dinamike rada ugovornog organa koje opisane okolnosti nalažu, tokom realizacije Plana nabavki javile su se potrebe Javne ustanove Opća bolnica „Prim. dr. Abdulah Nakaš“ za nabavkom roba i usluga koje se nisu mogle predvidjeti u vrijeme donošenja Plana nabavki za 2020.godinu.

U skladu sa Naredbom Kriznog štaba Ministarstva zdravstva Kantona Sarajevo od 09.03.2020. godine zbog promjene epidemiološke situacije u svijetu, Evropskom regionu i Bosni i Hercegovini (sumnja na oboljenje od Coronavirusa) Javnoj ustanovi Opća bolnica „Prim. dr. Abdulah Nakaš“ naloženo je da shodno raspoloživim bolničkim posteljnima kapacitetima hitno napravi preraspodjelu posteljnih kapaciteta kako bi se omogućilo zbrinjavanje većeg broja oboljelih u bolničkim zdravstvenim ustanovama na području Kantona.

Nadalje, kako se radi o Pandemiji koronavirusa koju je proglasila Svjetska zdravstvena organizacija 11.03.2020. godine, navedeni događaj se nije mogao predvidjeti i ne mogu se ispoštovati minimalni rokovi predviđeni u redovnim postupcima.

AT
KI

Predmetne nabavke se vrše zbog krajnje hitnosti kako bi se spriječila ili ublažila epidemija kod pacijenata sa sumnjom na oboljenje od koronavirusa i kod pacijenata sa pozitivnim nalazom na koronavirus.

Navedeni događaj je izvan kontrole Opće bolnice kao ugovornog organa, a zbog navedenog događaja zahtjeva se hitna nabavka radi sprečavanja ili ublažavanja širenja pandemije koronavirusa i spašavanja ljudskih života (Zakon o zaštiti stanovništva od zaraznih bolesti u BiH, Zakon o zaštiti i spašavanju ljudi i materijalnih dobara u BiH od prirodnih i drugih nesreća, i sl.).

Bitno je napomenuti da bi primjena redovnog postupka javne nabavke, odnosno vrijeme potrebno za provođenje istog, prouzrokovalo izuzetno negativne posljedice, te da je Javna ustanova Opća bolnica „Prim. dr. Abdulah Nakaš“ upravo na osnovu takve procjene postupila i preduzela radnje odmah.

Nabavka će se provesti sa ponudačem MEDIT d.o.o. Sarajevo

Analizirajući predmetni zahtjev, šef Odsjeka za javne nabavke je utvrdio da su ispunjene pretpostavke za realizaciju nabavke, te je shodno zakonu i općim aktima Javne ustanove Opća bolnica „Prim. dr. Abdulah Nakaš“ dostavio predmetni zahtjev direktoru Javne ustanove Opća bolnica „Prim. dr. Abdulah Nakaš“ na konačno odobrenje.

Imajući u vidu navedeno odlučeno je kao u dispozitivu.

DOSTAVITI:

- ✓ Sekretaru Komisije za javne nabavke
- Odsjek za javne nabavke
- A/a



DIREKTOR

Prim. dr. Zlatko Kravić

AT
KC

